

শিক্ষক সমন্বয় পরিষদ
নেতৃত্বের সাথে
আলোচনার আহ্বান
(নিজস্ব বার্তা পরিবেশক)
বেসরকারী মাধ্যমিক স্কুল

শিক্ষকদের ধর্মঘটের পঞ্চদশ দিন গতকাল অতিবাহিত হয়েছে। শিক্ষক সমন্বয় পরিষদ অবিলম্বে দু'দফা দাবী পূরণের লক্ষ্যে পরিষদের নেতৃবৃন্দের পাথে আলোচনা শুরু করার জন্য সরকারের প্রতি আহ্বান জানিয়েছে।

গতকাল সমন্বয় পরিষদের এক সভা মোঃ বদরউদ্দিন হাওলাদারের সভাপতিত্বে অনুষ্ঠিত হয়। এতে বক্তব্য রাখেন চৌধুরী খুরশীদ আলম, সুলতান আহমেদ ও আঃ রহমান। সভায় গৃহীত সিদ্ধান্ত অনুসারে আজ সকাল ১০টার কেন্দ্রীয় শহীদ মিনারে ছাত্র শিক্ষক, অভিভাবক, আইন-জীবী, বুদ্ধিজীবীসহ সবস্তরের মানুষের সমাবেশ ও বিক্ষোভ মিছিলের কর্মসূচী নেয়া হয়েছে। এক সংবাদ বিজ্ঞপ্তিতে প্রতি জেলা-উপজেলায় কর্মসূচী পালনের আহ্বান জানানো হয়েছে। এতে বলা হয়, গ্রেফতারকৃত শিক্ষক নেতৃবৃন্দসহ অন্যদের নিঃশর্ত মুক্তিপান, ছলিয়া প্রত্যাহার, শিক্ষক প্রশিক্ষণার্থীদের হোস্টেলে পুনর্বহাল করে আলোচনার সুষ্ঠু পরিবেশ সৃষ্টি না করা পর্যন্ত বেসরকারী শিক্ষকরা এসএসসি পরীক্ষাসহ যাবতীয় প্রাতিষ্ঠানিক কার্যক্রম থেকে বিরত থাকবেন। পরিস্থিতিকে আরো অবনতির দিকে ঠেলে না দিয়ে অনতিবিলম্বে দু'দফা দাবী পূরণের লক্ষ্যে সমন্বয় পরিষদের নেতৃবৃন্দের সাথে আলোচনা করে সংকট নিরসনের জন্য সংবাদ বিজ্ঞপ্তিতে সরকারের কাছে আহ্বান জানানো হয়।

শিক্ষক সমিতি (কামরুজ্জামান)-এর ভারপ্রাপ্ত সভাপতি চৌধুরী খুরশীদ আলমের সভাপতিত্বে গতকাল অনুষ্ঠিত এক সভায় আলোচনার মাধ্যমে সংকট নিরসনের আহ্বান জানানো হয়েছে। এক সংবাদ বিজ্ঞপ্তিতে বলা হয়, সরকারের অনমনীয় মনোভাবের ফলে উন্নত অবনতিশীল পরিস্থিতির জন্য সরকারকেই দায়িত্ব বহন করতে হবে।

বেসরকারী মাধ্যমিক স্কুল চতুর্থ শ্রেণী কর্মচারী ইউনিয়নের জরুরী সভা গতকাল আঃ মতিনের সভাপতিত্বে অনুষ্ঠিত হয়। এক সংবাদ বিজ্ঞপ্তিতে অবিলম্বে গ্রেফতারকৃত শিক্ষকদের মুক্তি দিয়ে আলোচনায় বঙ্গার জন্য সরকারের প্রতি আহ্বান জানানো হয়।

বাংলাদেশ কলেজ-বিশ্ববিদ্যালয় শিক্ষক সমিতির সভাপতি অধ্যাপক ডঃ আবতালকরুজ্জামান ও সাধারণ সম্পাদক অধ্যাপক গোলাম সামদানী কোরামশী বলেছেন, 'দুঃখজনক হলও সভ্য যে শিক্ষা-জীবনের বর্তমান ঘোরতর সংকটেও সরকার শিক্ষক নেতৃবৃন্দের সাথে আলোচনায় বসেন নি। বরং দায়িত্বশীল মহলের নানা ধরনের উক্তি পরিস্থিতিকে ক্রমশই জটিলতর করেছে।'

শিক্ষক নেতৃবৃন্দকে জেলে আটক রেখে এবং আলোচনায় না বসে সরকার দায়িত্বহীনতার পরিচয় দিচ্ছে। সমিতি এসব ঘটনায় টিবেগ ও ফোকড প্রকাশ করেছে এবং শিক্ষক নেতৃবৃন্দকে মুক্তি

দিয়ে আলোচনার মাধ্যমে তাঁদের ন্যায্য দাবী মেনে নিয়ে শিক্ষা জীবনের সুস্থ পরিবেশ ফিরিয়ে আনার জন্য সরকারের প্রতি জোর দাবী জানিয়েছে।

এনএপি'র আহবায়ক সৈয়দ আলতাফ হোসেন, পীর হাখিবুর রহমান ও চৌধুরী হারুনুর রশিদ এক বিবৃতিতে ধর্মঘটের মাধ্যমিক শিক্ষকদের ন্যায্য দাবী মেনে নিয়ে ধর্মঘটের অবসান ঘটিয়ে মাধ্যমিক শিক্ষা ও মাধ্যমিক পরীক্ষা সুষ্ঠুভাবে অনুষ্ঠানের জন্য আহ্বান জানিয়েছেন। ধর্মঘটী শিক্ষকদের সাথে আলোচনায় না গিয়ে গ্রেফতার, গুলী, দমননীতির পথ অবলম্বনের নিন্দা করে অবিলম্বে গ্রেফতারকৃত শিক্ষকদের মুক্তিদানের জন্য নেতৃবৃন্দ সরকারের প্রতি আহ্বান জানান।

বাকশালের সাধারণ সম্পাদক জনাব আবদুর রাজ্জাক শিক্ষকদের দাবীর প্রতি উপেক্ষা প্রদর্শন করে, আলোচনার ভিত্তিতে মীমাংসা না পৌঁছে 'দমন নীতি'র আশ্রয় নেয়ার নিন্দা ও ফোকড প্রকাশ করেছেন। বিবৃতিতে নবম শ্রেণীর ছাত্র শামছুল মিয়া হত্যাকাণ্ডের বিচার বিভাগীয় তদন্ত ও গ্রেফতারকৃতদের মুক্তি দিয়ে আলোচনার মাধ্যমে অচলাবস্থা নিরসনের আহ্বান জানানো হয়।

জাতীয় ছাত্র লীগ সভাপতি বোরশেদ আলম জুজুন ও সাধারণ সম্পাদক নূরুল ফজল বুলবুল এক বিবৃতিতে আলোচনার মাধ্যমে শিক্ষাঙ্গনে শান্তি ফিরিয়ে আনার দাবী জানিয়েছেন।